



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

ni interrogata, respondit se esse sanctam, quantum homo. Imò respondit D. Martinus: Christianus totus est sanctus. Nam si Peccator à Diabolo auferretur, ubi maneret Christianus? Ideo illa distinctio non valet. Obseruandus igitur est Baptismus firma fide, tunc sancti erimus. Sic David Psalm. 86. se sanctum appellat.

Antipharmacum.

BAPTISMATE dignè suscepto homines iustos & sanctos effici, in confesso est; at ita iustos & sanctos effici, vt propterea iustitiam & sanctitatem illam deinceps amittere nequeant, si dignam baptismate vitam non instituant; id verò paradoxum est & absonum; vt & illud; Baptizatum, licet multis sceleribus coopertum, ideo sanctum esse, & sanctum vocari debere, quia aliquando baptismum suscepit; contraria persuasio adeo mortalium pectoribus insculpta est, vt ne duæ quidem Moniales, Borrha, Pellex Lutheri; & Pellex Lauterbachij, quæ & ipsa Monialis fuerat; se sanctas affirmare ausæ fuerint; tametsi à tam sancto Propheta ad nominis huius honorem sibi vendicandum excitatæ; nonnulla enim absurdiora sunt, quàm vt in mentem & frontem, quantumuis amentem & effrontem, cadant. Et si Lutheri assertum verum esset; tunc faciendum esset, viso in plateis Lutherano, quod se cum illis facturum scripsit Lutherus in Admonit. ad sumendam Eucharistiam Tom. 5. Ien. qui se omnis labis exsortes pronunciabant. Vnd wo ich wüßte / daß dein Ernst were / so wolt ichs warlich bestellen / daß man auff allen Gassen / wo du giengest / alle Glocken leutten müßte / vnd für dir her auff ruffen: Die gehet daher ein newer Heiliger vber alle Heiligen / 16.

De